



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 408
fax. +387 33 726 414
e – mail: info@voda.ba

Broj: UP-1/21-2-40-228-2/22

Datum: 23.05.2022. godine

«Agencija za vodno područje rijeke Save» Sarajevo rješavajući po zahtjevu pravnog lica „DŽENEX” d.o.o. Tuzla za donošenje rješenja o vodnoj saglasnosti za aktivnost ispuštanja tehnoloških otpadnih voda i oborinskih onečišćenih voda sa lokacije samouslužne autopraonice, koja se planira graditi u naselju Sižje, općina Lukavac, na osnovu člana 109. stav (1) tačka 2. Zakona o vodama („Sl.novine FBiH” broj: 70/06) i člana 200. stav (1) Zakona o upravnom postupku („Sl.novine FBiH” broj: 2/98 i 49/99), **donosi**

R J E Š E N J E **o vodnoj saglasnosti**

1. Pravnom licu „DŽENEX” d.o.o. Tuzla daje se vodna saglasnost za aktivnost ispuštanja tehnoloških otpadnih voda i oborinskih onečišćenih voda sa lokacije objekta samouslužne autopraonice, koji se planira graditi na zemljištu označenom kao k.č. broj 658/4 i k.č. 660/10 K.O. Sižje, grad Lukavac, u skladu sa projektnom dokumentacijom:
Glavni projekat sakupljanja, tretmana i ispuštanja otpadnih voda za poslovni objekat samouslužna autopraona, urađen od strane projektne kuće „TQM” d.o.o. Lukavac, april 2022. godine,
a u postupku pribavljanja građevinske dozvole.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva ovog Rješenja i čini negov sastavni dio, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o navedenoj prethodnoj vodnoj saglasnosti:
 - 3.1. Radove na izgradnji sistema za prikupljanje, tretman i zbrinjavanje tehnoloških otpadnih voda i oborinskih onečišćenih voda izvesti u skladu sa projektnom dokumentacijom iz tačke 1. dispozitiva ovog Rješenja.
 - 3.2. Način ugradnje separatora masti i ulja i stavljanje istog u pogon uskladiti sa proizvođačem opreme u svim fazama.
 - 3.3. Izgradnju kontrolnog revizionog okna, odnosno okna za monitoring, izvesti neposredno prije ispusta u kanal, čiji je krajnji recipijent rijeka Spreča.
 - 3.4. U toku radova iskopani materijal se ne smije ni privremeno odlagati na česticu „vodno dobro”, odnosno u vodotoke i na njegove obale.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti, broj: 09-19-1267/21, donesenog dana 01.02.2022. godine od strane Službe za urbanizam, prostorno uređenje i zaštitu okoliša Općine Lukavac.
4. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Investitor je obavezan uzroke štete otkloniti, a procijenjenu štetu nadoknaditi.

5. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole za ispuštanje tehnoloških otpadnih voda i oborinskih onečišćenih voda sa predmetne lokacije. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19 i 41/20).
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne samouslužne autopraonice obuhvaćene ovom vodnom dozvolom, korisnik zaštitnih vodnih objekata nije odgovoran za nastale štete.
7. Investitor je obavezan pridržavati se svih mjera i uslova propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
9. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.

O b r a z l o ž e n j e

Pravno lice „DŽENEX“ d.o.o. Tuzla se pismenim putem obratilo ovoj Agenciji sa zahtjevom za donošenje rješenja o vodnoj saglasnosti za aktivnost ispuštanja tehnoloških otpadnih voda i oborinskih onečišćenih voda sa lokacije objekta samouslužne autopraonice, koji se planira graditi na zemljištu označenom kao k.č. broj 658/4 i k.č. 660/10 K.O. Sižje, grad Lukavac.

U prilogu zahtjeva podnosilac je dostavio slijedeću dokumentaciju:

- Ovjerena kopija Rješenja o izmjenama podataka u registru poslovnih subjekata Općinskog suda u Tuzli, broj: 032-0-Reg-22-000577 dana 19.04.2022. godine;
- Ovjerena kopija Uvjerenja o poreznoj registraciji izdatog od strane Porezne uprave FBiH, Kantonalni porezni ured Tuzla dana 09.01.2013. godine,
- Kopija Rješenja o urbanističkoj saglasnosti za izgradnju poslovnog objekta – samouslužna autopraonica u Sižju, donesenog od strane Službe za urbanizam, prostorno uređenje i zaštite okoliša Općine Lukavac, broj: 09-19-1267/21 donesenog dana 01.02.2022. godine;
- Kopija Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-235-6/21 dana 28.07.2021. godine;
- Glavni projekat sakupljanja, tretmana i ispuštanja otpadnih voda za poslovni objekat samouslužna autopraona, urađen od strane projektne kuće „TQM“ d.o.o. Lukavac, april 2022. godine;
- Revizija Glavnog projekta sakupljanja, tretmana i ispuštanja otpadnih voda za poslovni objekat samouslužne autopraone, urađen od strane „EUROING“ d.o.o. Bihać, maj 2022. godine;
- Dokaz o uplaćenju upravnoj pristojbi.

Nakon uvida u dostavljenu projektnu dokumentaciju utvrđeno je:

Servisno-uslužni objekat – samouslužna autopraonica (tri natkrivena boksa) se planira graditi na zemljištu označenom kao k.č. broj 658/4 i k.č. 660/10 K.O. Sižje, grad Lukavac.

Osnovna djelatnost pravnog subjekta je pranje motornih vozila.

Urbanističke – tehničke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti propisala Služba za urbanizam, prostorno uređenje i zaštite okoliša Općine Lukavac.

Na lokaciji predmetnog objekta nastajat će tehnološke otpadne vode i oborinske onečišćene vode sa manipulativnih, parking i soabraćajnih površina. Za prečišćavanje tehnoloških otpadnih voda planirana je izgradnja taložnika sa slivnom rešetkom i ugradnja tipskog separatora. Preliv

iz separatora će se, preko okna za monitoring, izvesti u kanal čiji je krajnji recipijent rijeka Spreča.

U dokaznom postupku utvrđeno je da je projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, UP-I/25-1-40-235-6/21 dana 28.07.2021. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: Glavnog projekta sakupljanja, tretmana i ispuštanja otpadnih voda za poslovni objekat samouslužne autopraone, urađen od strane „TQM“ d.o.o. Lukavac, april 2022. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama člana 114. Zakona o vodama i člana 7. Pravilnika o sadržaju, obliku, uvjetima načinu izdavanja i čuvanja vodnih akata, koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl. novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Aida Bezdrob, dipl.inž.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

PRILOG:

- Glavni projekt sakupljanja, tretmana i ispuštanja otpadnih voda za poslovni objekat samouslužne autopraone, urađen od strane „TQM“ d.o.o. Lukavac, april 2022. godine (ovjeren)
- Revizija Glavnog projekta sakupljanja, tretmana i ispuštanja otpadnih voda za poslovni objekat samouslužne autopraone, urađen od strane „EUROING“ d.o.o. Bihać, maj 2022. godine.

Dostaviti:

- „Dženex“ d.o.o. Tuzla, Krečanska 5d, 75000 Tuzla (sa prilogom)
- ISV - vodna knjiga,
- Sektor 40 - arhiva
- Oglasna ploča AVP Sava